



Broj: 04-14-1-1732/19

Datum: 17.09.2019. godine

Na osnovu člana 69.stav (3) Zakona o javnim nabavkama BiH ("Službeni glasnik BiH", 39/14) i Preporuke komisije za javnu nabavku, broj: 04-14-1-1732/19 od 17.09.2019. godine, Općinski načelnik d o n o s i

ODLUKU

o otkazivanju pregovaračkog postupka nabavke bez objave obavještenja o nabavci usluga provođenja hitnih vanrednih mjera dezinfekcije na području općine Sanski Most

Član 1.

Otkazuje se pregovarački postupak bez objave obavještenja o nabavci usluga provođenja hitnih vanrednih mjera dezinfekcije na području općine Sanski Most, pokrenut posebnom odlukom Ugovornog organa broj: 04-14-1-1732/19 od 12.06.2019. godine, procijenjene vrijednosti 34.188,00 KM bez PDV-a, iz razloga koji su izvan kontrole Ugovornog organa i koji se nisu mogli predvidjeti u vrijeme pokretanja javne nabavke.

Član 2.

Za izvršenje ove Odluke zadužuje se i ovlašćuje Općinska služba za finansije, trezor i zajedničke poslove.

Član 3.

Ova Odluka će se objaviti na web-stranici: www.sanskimost.gov.ba, shodno članu 70.stav (6) Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Posebnom odlukom za provođenje hitnih vanrednih mjera dezinfekcije na području općine Sanski Most, broj: 04-14-1-1732/19 od 12.06.2019. godine, pokrenut je pregovarački postupak bez objave obavještenja o nabavci.

Na osnovu poziva za dostavljanje zahtjeva u I fazi pretkvalifikacije pregovaračkog postupka bez objave obavještenja o nabavci usluga provođenja hitnih vanrednih mjera dezinfekcije na području općine Sanski Most, dana 17.06.2019. godine, izvršeno je otvaranje pristiglih zahtjeva/ponuda, što je konstatovano u zapisniku Komisije za javnu nabavku broj: 04-14-1-1732/19 od 17.06.2019. godine. Zahtjeve je dostavilo troje kandidata i to:

"Eko Zaštita"d.o.o. Bijeljina, "Eko Bel" d.o.o. Laktaši i "Aqua Flor" d.o.o. Bihać.

Od troje kandidata samo je zahtjev kandidata/ponuđača "Eko-Bel" d.o.o. Laktaši bio prihvatljiv i

kvalifikovan za navedenu nabavku dok zahtjevi druga dva kandidata nisu bila prihvatljiva, odnosno nisu se kvalifikovali za dalje učešće u postupku iz razloga što nisu bila pripremljena u skladu sa tačkom 2.2. stav 4. Priprema zahtjeva za učešće.

Na osnovu navedenog zapisnika i preporuke Komisije za javne nabavke Ugovorni organ je dana 18.06.2019. godine donio Odluku o rezultatu postupka kvalifikacije u pregovaračkom postupku nabavke bez objave obavještenja o nabavci-I faza, broj: 04-14-1-1732/19, kojom je odlučeno da kandidat/ponuđač "Eko-Bel" d.o.o. Laktaši ima prihvatljiv zahtjev/ponudu i da je kvalifikovan za navedenu nabavku dok su druga dva zahtjeva kandidata/ponuđača ocijenjena kao neprihvatljiva i nekvalifikovana za navedenu nabavku.

Na navedenu Odluku, u zakonskom roku, žalbu je podnio kandidat/ponuđač "Aqua-Flor" d.o.o. Bihać, ul. Mustafe Omerovića br.21., 77000 Bihać, zaprimljenu u Općini 03.07.2019. godine. Dana 08.07.2019. godine Ugovorni organ je na preporuku Komisije za javne nabavke koja je razmatrala dostavljenu žalbu i zaključila da je ista neosnovana, u skladu sa članom 100. stav (5) i članom 94. stav (3) Zakona o javnim nabavkama ("Službeni glasnik BiH", broj 39/14) navedenu žalbu zajedno sa izjašnjenjem na žalbu i ostalom dokumentacijom dostavio na adresu Ureda za razmatranje žalbi BiH, Filijala Mostar.

Ured za razmatranje žalbi BiH, Filijala Mostar je dana 01.08.2019. godine donio Rješenje broj: JN2-03-07-1-1686-8/19, zaprimljeno u Općini dana 05.08.2019. godine, kojim se žalba žalitelja Aqua Flor d.o.o. Bihać, izjavljena na Odluku o rezultatu postupka kvalifikacije u pregovaračkom postupku nabavke bez objave obavještenja o nabavci-I faza broj 04-14-1-1732/19 od 18.06.2019. godine ugovornog organa Općina Sanski Most, odbija kao neosnovana.

Nakon dobivenog rješenja Ugovorni organ je mogao nastaviti sa pregovaračkim postupkom, međutim više nije bilo potrebe za tim iz razloga što se evidentno smanjio broj insekata-komaraca. Znači u periodu od 12.06.2019. godine, danom donošenja Posebne odluke o pokretanju postupka javne nabavke za provođenje hitnih vanrednih mjera dezinsekcije na području općine Sanski Most pa do 05.08.2019. godine, dana prijema rješenja Ureda za razmatranje žalbi, Filijala Mostar, prošla su nepuna dva mjeseca i u tom periodu se smanjio broj insekata-komaraca.

Treba pomenuti da je Ugovorni organ donio Posebnu odluku o pokretanju postupka javne nabavke u predmetu provođenja hitnih vanrednih mjera dezinsekcije na području općine Sanski Most, pregovarački postupak bez objave obavještenja o nabavci, procijenjene vrijednosti 34.188,00 KM, nakon dopisa dostavljenih od strane: Općinske službe za inspeksijske poslove, Odsjeka za civilnu zaštitu, Doma zdravlja Sanski Most, JP Veterinarska stanica Sanski Most i više Mjesnih zajednica općine Sanski Most, koje su zahtijevale da se izvrši dezinsekcija na području općine Sanski Most jer se pojavio velik broj insekata-komaraca. Naime Općinu Sanski Most su u maju 2019. godine zadesile poplave, pri čemu je nastao veliki broj poplavljenih i zaplavljenih privatnih i javnih površina i objekata te je proglašeno stanje prirodne nepogode.

U vrijeme donošenja Posebne odluke o pokretanju navedenog postupka nije se moglo predvidjeti da će se do mogućeg nastavka navedenog postupka, u ovom slučaju nepuna dva mjeseca, smanjiti broj insekata-komaraca i da oni više neće predstavljati opasnost za stanovništvo.

Prema informacijama sa područja općine Sanski Most, područja Mjesnih zajednica, evidentno je bilo da se smanjio broj insekata-komaraca i da taj broj više ne predstavlja opasnost za stanovništvo.

Evidentno smajen broj insekata-komaraca bio je izvan kontrole Ugovornog organa i nije se mogao predvidjeti u vrijeme pokretanja pregovaračkog postupka bez objave obavještenja za provođenje hitnih vanrednih mjera dezinsekcije na području općine Sanski Most.

U skladu sa članom 69. stav 3. Zakona o javnm nabavkama BiH " Službeni glasnik BiH", broj: 39/14) kojim se određuje da Ugovorni organ može otkazati postupak javne nabavke samo zbog dokazivih razloga koji su izvan kontrole ugovornog organa i koji se nisu mogli predvidjeti u

vrijeme pokretanja postupka javnih nabavke, riješeno je kao u dispozitivu ove Odluke.

Pravna pouka:

Protiv ove odluke može se uputiti žalba u roku od 10 (deset) dana od dana prijema. Žalba se podnosi u pisanoj formi Uredu za razmatranje žalbi, filijala Mostar a putem Općine Sanski Most.

Dostaviti:

1. "Eko Bel" d.o.o. Laktaši
Cara Dušana br. 84., Trn
2. Dosije
3. a/a



OPĆINSKI NAČELNIK

Faris Hasanbegović
Faris Hasanbegović, prof.